

Kiiritigesoba ye depitesigikalata tako 2nan jaabiw di

Depte 147 minnu bë sigi Bulonba kono, u dafalen tögow fora Mali kiiritigesoba fe jumadon utikalo tile 10. Sariyasoba in tun ye laninisëben 230 soro. A banna laninisëben tan ni kola. O laninisëben ninnu tun bora mögo daw fe, minnu tun y'a jira k'olu ye depiteyaninna daw ka cidenw ye; kasoro o seereya t'u la. Sében ninnu tun bë-boli kalata kecogo kan mara daw la; n'o ye Kati, Kolokani, Sikaso, Kucala, Buguni, Yantolila, Segu ani Bamako komini fölo. Sariyasoba banna laninisëben tan ni k'wërew la ka bo Keneba, Sikaso, Kolonjeba, Segu, Nionon, Gundamu ani Ansongo marawla, kada a kan u sëbenbaaw tögou tun t'u kan, sëbendon fana tun t'u kan.

Laninisëben 150 were fana tun bë yen, kiiritiglaw ma son olu la. Seereya tun t'o lanini fölenw na. A tun jirala u kono ko wotekesuw lafara ten fu kasoro o bëe mögo ma ye wotekeworla; ko politikinémogó daw ye wotekelaw hakili sonya ni nafolo ye, ko mögo daw ye wotekelaw bagabaga, ani ko yamaruyasében minnu bë di mögo ma a ka wele mögo were no na, o ma ke a kecogo numan na. Kiiritigesoba mögou jenna ni laninisëben daw kono ye ka bo Kulukoro, Gundamu ani Tumutu maraw la. O mara ninnu na, politikiton minnu tun gërejige diyara marabolow minisiriso ka jaabidi senfe, olu labanna ka jigin u ka namara koson. Kulukoro serekili la ADEMA binna; CNID ni MPR yelenna. Gundamu serekili la Endepandanw yelenna, ADEMA binna.

Mali kiiritigesoba soro la ka depite 147 sugandilenw tögou

fo, k'a jira k'u bilala depiteyá minen kono k'a damine san 2007 utikalo tile 10 na.

San 2007 in depitesigikalata la, politikiton 15 ye wasa soro; kasoro san 2002 ta la, politikiton 16 de tun ye depitetigiy ye. Nininyerçeyew (Endepandanw) ye 15 ye depite 147 ninnu na.

Marabolow minisiriso ye jaabi fölo min di depitesigikalata la, danfara bëre ma don o ni kiiritiglaw ka dilen ce depite hakéko la. Jaabi fila ninnu bëe y'a jira ko ADEMA ka depite soroen cayara ni tow ta ye, hali n'i y'a soro kiiritigesoba ka sëgesegeli kera sababu ye k'a tege ko ka bo depite 4 tigiyia la.

Ninan ADEMA ka depite ye 51 ye, san 2002 la, a tun ye depite 45 soro. O b'a jirra ko ADEMA b'a la ka sëbekoro sinsin. O sinsinni in kolosira kabini merisigikalata temen in senfe: URD dalen bë ADEMA kan ni depite 34 ye. RPM jiginna ka na depite 11 na; san 2002 la, ale tun ye depite 46 soro.

Politikiton min sëbekoro binna ka da RPM kan o ye CNID ye; ale ma dawere soro 7 k'o. MPR ni PARENA de ye dɔɔnin da u ka san 2002 depitew hake kan. MPR ye depite 3 soro, PARENA sera depite 4 ma.

Depitew sigilen kofé, Malijamanakuntigi Amadu Tumaní Ture ye wele bila u ma, u ka njogon soro depitebulon kono setanburukalo tile 3 laje balalen na. A kun ye bulonba njemogó sigili, bulonba lataamasariya dantigeli, bulonba njemogoyekulu sigili ani depitejekuluw sigili.

Madiba Keyita / Dokala Yusufu Jara

Depite 147 sugandilenw

Kayi mara

Kayi serekili

ADEMA ni URD togolamogó
Mahamadu Sise
Musa Sise
Dawuda Kanute
Mamadu Camu
Hamadi Kamara
Keneba serekili

Nininyerçey
Futango Sisoko (a bë wele
Baba)
Fili Keyita

Norón serekili

RPM togolamogó
Usumani Bacili
Mamadu Jawara
Jawoyi Sisoko
Bafulabe serekili
URD togolamogó
Barahima Janesi
Gosi Daramera
Seku Idiris Jakite

Jema serekili

URD ni RPM togolamogó
Sunkutu Sisoko
Makan Sisoko

Yelimaní serekili

URD togolamogó
Mahamadu Gasama
Bo Ngate

Kita serekili

RPM ni Parena togolamogó
Moriba Keyita
Amidu Jabate
Mamadu Tunkara
Modibo Kani Sise

Kulukoro mara

Kati serekili
ADEMA ni URD togolamogó
Lanseni Bala Keyita
Kajatu Mayiga (a bë wele
Taako)
Guwanjo Kulubali
Mamadu Seriba Sidibe

Lasana Tarawele

Mohamedi Adideyi
Alu Bacili

Kolokani serekili

ADEMA togolamogó
Jatigi Jara

Cokon Kone

Sekine Jara

Kangaba serekili

Jama jigi togolamogó
Lansine Berite

Kulukoro serekili

CNID ni MPR togolamogó
Kisiman Mangane

Zanke Fane

Nara serekili

ADEMA togolamogó
Jenkunda Tarawele

Makan Dancoko

Baba Hama Sidi Kani

Doyila serekili

ADEMA ni PARENA

Lamini Njolo Koroma

Siyaka Tarawele
Madamu Mariko Minata Sidibe

Koninba Sidibe

Abudulayi Sidibe

Bananba serekili

Hamadawu Sila n'a jenogon
Hamadawu Sila

Mamadu Gawusu Senpara

Sikaso mara

Sikaso serekili

URD ni MIRIA ani MPR
togolamogó
Huseyini Gindo

Musa Berite

Satan Sinate

Yakuba Sigidogo

Mari Sila

Isimayili Samake

Mahamadu H. Jalo

Kucala serekili

ADEMA ni MPR ani UDD

togolamogow
Abudalayi Danbele
Bakari Kone
Isimayila Male
Lasina Kone
Abubakari Kulubali
Idirisa Watara
Kolonjeba serekili
SADI togolamogow
Umaru Mariko
Musa Kunbere
Kajolo serekili
RPM ni PARENA togolamogow
Logona Tarawele
Berehima Beridogo
Yanfolila serekili
ADEMA togolamogow
Suleyimani Sidibe
Yaya Sangare
Buguni serekili
BARICA-ADEMA ni MPR
togolamogow
Mamadu Sinayoko
Siraba Jara
Andere Tarawele
Sungalo Togola
Yoroso serekili
URD togolamogow
Poli Sise
Opere Makunu

Segu mara

Segu serekili
ADEMA CNID URD
Muntaga Tali
Saka Jara
Seku Siya Buware
Bubakari Jara
Seki Umaru Sunbunu
Penda Tarawele
Arisike Ture
Baraweli serekili
JININYEREYEW
Modi Njai
Burema Diko
Mamadu Jawu
Dondon serekili
BDIA ni SADI togolamogow
Mamadu Gindo
Beliko Ba
Umu Kulubali
Masina serekili
JININYEREYEW
Amadu Buware
Usumani Ba
San serekili
ADEMA togolamogow
Jeneba Magiraga
Bakari B. Kote
Mahamani I. Ture
Amadu L. Mare

Bila serekili
CNID ni ADEMA togolamogow
Yaya Hayidara
Alasani Tangara
Lukimani Tangara
Tominan serekili
ADEMA ni MPR togolamogow
Natajeli Danbele
Unde Tulema
Mariyamu Jasana

Moti mara

Moti serekili
ADEMA ni RND togo la

Sidi Ahamed Jara

Kasumu Tapo

Amadu Bokumu

Bajangara serekili

ADEMA Togolamogow

Amadu Jepikile

Naga Tenbeli

Umaru Tapili

Yuwaru serekili

Nininyereye

Hamadun Alaci Sidibe

Duwanza serekili

PSP togolamogow

Fatumata Diko

Ilyasi Guro

Koro serekili

URD ni RPM ani MIRIA

togolamogow

Usumani Sagara

Suleyimani Gindo

Aliyu Aya

Burema Tolo

Jene serekili

URD togolamogow

Tijani Gindo

Hamidu Konate

Hamidu Jibo

Tenenken serekili

ADEMA togolamogow

Temore Culenta

Ulematu Tanbura

Tumutu mara**Tumutu serekili**

RDA togolamogow

Eliahaji Baba Hayidara

Nafunke serekili

URD togo la

Yunusi Ture

Baba Umaru Bore

Direyi serekili

ADEMA togo la

Noki Agi Aca

Guruma Ararusi serekili

ADEMA togolamogow

Mohamedi Agi Hudi (a be wele
Ata)
Gundamu serekili
Bili Ture ka mogow
Umaru Buri Ture
Alihasani Aba

Gawo mara

Gawo serekili
ADEMA togo la
Asaridi Agi Anbarikawani
Abuzeyidi Usmani Mayiga
Abudu Abudalayi Sidibe
Menaka serekili
ADEMA togo la
Agi Hamadu Bajan
Buremu serekili
Tawusa mogow
Ayisata Alasani Sise
Ibarahima Agi Mohamedi
Asaleh
Ansongo serekili
URD togolamogow
Abudulu Maliki Seyidu Jalo
Sagidudini Agi Alibakayi

Kidali mara

Kidali serekili
ADEMA togolamogow
Agi Intala Aligabas
Abeybara serekili
ADEMA togo la
Ahamada Agi Bibi
Tesaliti serekili
URD togo la
Deyiti Agi Sidimu

Tinesako serekili
ADEMA togo la
Mohamedi Agi Intala

Bamako

Komini folo
ADEMA ni CNID togolamogow

Wali Jawara

Musa Umaru Jawara

Komini Filanan

CNID ni MPR ani URD
togolamogow

Hadi Nangandu

Mamadu Lamini Hayidara

Mamadu Jara

Komini sabanan

PCR togolamogow

Safiyatu Tarawele

Komini naaninan

RPM togolamogow

Ibrahim Bubakari Keyita

Abudarahamani Sila

Komini duurunan

CNID ni ADEMA ani URD
togolamogow

Fanta Jara (a be wele
Mancinin)

Ibrahima Lanseni Kulubali

Madamu Kulubali Kadijatu

Samake

Komini wooranan

ADEMA ni MPR ani UDD
togolamogow

Buba Tarawele

Sawudatu Danbele

Kalifa Dunbiya

Ne folo to

fangaba ka don soba in kuranko la. Dow yere b'o fen in wele
ko tabara. A nansarkan koni ye «gurupu elektorozeni» ye.
Kibaru walangatali siratige la, minisiri Gawusu Darabo y'a
jira k'a tena meen Kibaru bolofaraw bëna jo Moti ani Kidali.

Koloneli Yusufu Tarawle kelen ka Kibaru nemogoyaso
kura dayele, minisiriw bilala jama ne ka sokononaw sebekoro
laje.

kunnafonidila köröw ani minnu be baara la sisani, u caman
nana Kibaru nemogoyaso kura kurunbonkarikene kan. So
kura in musaka bora goferenaman ka baarakenafo lo la; a
benna sefawari miliyon 75 ma. AMAPU yere y'a dukene
laben, ka kogo jo k'a lamini ani ka baarakeminén kuraw bila
so kono. Nin waleya in ben'a to, halibi yelema numan ka don
baara taabolo la.

Yanni ka se Kibaru nemogoyaso kura kurunbonkariwati
ma, AMAPU nemogojekulu y'a ka laadalatonsigi 21nan ke
kunnafo ni a dicogo kura minisiriso lajekeso kono. A
nemogoya tun be Seku Kulubali bolo. Ale ye laadibaa ye
minisiriso in na. AMAPU ye miliyari 1 ani miliyon 300 soro a
ka baaraw la. Kasoro a tun y'a jira k'a tun ka kan ka miliyari
1 ani miliyon 200 soro. O b'a jira ko san 2006 sebekoro diyara
AMAPU la.

Dokala Yusufu Jara

Afiriki ka kelenyatónba (OUA)

Alimankéle filan bannen, Afiriki politikitén n'a sendikatón cayara, yéremahorónyaninikéle fanga b o n y a r a . A laban na, yéremahorónya sorojamana caman fe. Nka u farafaralen tun don bee tun b'i dan ma, kasorojamana yiriwalenw tun faralen don nögón kanka nögón deme siratige bee lajelen kan. O yoro la, a wajibiyara Afiriki jamana yéremahorónyalen kura ninnu ma, u k'u fanga fara nögón kan ka jekuluw sigi politiki, soro yiriwali ani seko ni döñko nasiraw la, walasa u ka lajniniw ka sabati, n'o ye u ka don da kelen fe, ka boda kelen fe, ani u ka jate dije kono.

A damine na, jamana minnu be kuntillenna kelen na, olu y'a laje ka géré nögón na.

1 - San 1958 setanburukalo la, Tanzani jamana kan, Keniya, Uganda, Malawi ani Zanzibari jamana, olu politikinémogow jera ka ton do sigi sen kan, k'o tógo da Afiriki körönyantfanjamaw n'a cemanceyanfanjamaw ka hörönyaliton. U ka lajini tun ye o don, k'a ta somalijamana na fo Orodesijama, k'o jamanaw fara nögón kan ka ke jamanaba kelen ye.

2 - San 1958 nowanburukalo tile 23, Gana ni Lagine, olu fila ye tóndó sigi walasa ka Afiriki bee kanhörönya.

3 - San 1959 zanwuyekalo tile 17, Senegali, Dahome n'o kera Benen ye bi, Sudan n'o kera Mali ye bi ani Hötivöita n'o kera Burukina ye bi, olu ka cidenw benna a kan ka fara nögón ka ke Federasondimali ye. A laban na, Federasondimali sigira sen kan san 1960 zuwenkalo tile 20, jamana fila fe: Senegali ani Sudan. Federasón némogoya tunye sudanka ye, Modibo Keyita, k'a ka dankan ke Senegalika yen'oye Sengöriye. Ofederasón cira san 1960 utikalotile 20. Sudany a ka yéremahorónya ta san 1960 setanburukalo tile 22 k'a tógo yelema ka ke Maliye.

4 - san 1959 mëkalotile 30 Abijan, Benkanjekulu sigira sen kan Fofoyi fe. Kôdiwari, Hötivöita, Nigéri,

Dahome ani Togo, olu tun b'o ton in na. O ton in ka lajini tun ye soro yiriwali baaraw ye. 5 - Nin bee kofe, Afiriki jamanaw y'a laje ka jekuluba kelen sigi sen kan u bee lajelen be nögón soro min kono. O labenw daminenen, kuntilennaw ni lajiniw ma ke kelen ye. Nemogó dów tun b'a fe Afiriki bee lajelen ka ke jamanaba kelen ye, goferenaman kelen, laramé kelen ani wari suguya kelen. Nemogó dów fana ka lajini tun ye jamanaw ka jekulu fitininw sigi fólo, n'o nena, jekulu be soro ka fara nögón kan ka ke jekuluba kelen ye. Afiriki jamanaw kera kulu fila ye o hukumu kono : Kasabilanka Kulu ani Möröwiya Kulu.

6 - Kasabilanka kulu :

Kasabilanka ye Maroku duguba do ye. Jamana minnu tun be Kasabilanka kulu kono olu tun ye jamana murutilenw ye nansaraw ka hakilila juguw ma : Maroku, Gana, Lagine, Mali, Misirajamana ani Alizeri. Olu ka lajini tun ye ka Afiriki jamanaw fara nögón kan walasa ununjuru kana to walifasomaralaw bolo. U ka lajini tun ye ka Afiriki bee kanhörönya ka bo nansara marabagajuguw ka mara k o n o .

7 - Möröwiya kulu :

Möröwiya ye Liberiya faaba ye. Möröwiya jekulutunye jamana mugan ye. Faransi ka Afiriki jamana maralenw ani Angilew ka Afiriki jamana maralenw, olu caman tun be Möröwiya jekulu in na. San 1960 desanburukalo tile 15 ka se a tile 19 ma, jamana tan ni fila ye

nögón soro Barazawili, Kongo faaba kono, ka ton dösigi sen kank'otogoda tubabukan na (UAM). Faransi ka jamana maralenw Afiriki kono :

Kôdiwari, Hötivöita, Nigéri, Dahome, Cadi, Santarafiriki, Gabon, Kongo, Kameruni, Senegali, Moritani ani Madagasikari, olu de tun b'o laje in kene kan. Mali ni Lagine ma son ka don o ton in na, ka da a kan nin jamana kofolen ninnu ni nansaraw tun be je la. Möröwiya laje la, Angilew ka jamana maralen seegin farala (UAM) jamana tan ni fila ninnu kan : Ecopi, Liberiya, Libi, Nizeriya, Seraleyöni, Togo, Tunizi, ani Somali. Benkan woço bora Möröwiya lajeba kono :

- Jamanaw damakejena, bonya ko t'a la, jama cayako walima soro; • Jaman si kan'i nagami jamana were kunko la;
- Jamanabe n'a danbe don an'a ka hakew, dan mankan ka kari minnu na jamana were fe;
- Dabali juguw tigeli walijamana kono walasa k'a tije, o konna;
- Jekabaara ka sinsin nögondemé kan.

• Kelenya koro te faranögönkan ye, ka kuntillenna kelen mine ani ka je walew la, o de don. **Kolsili:** Kasabilanka kulu ni Möröwiya kulu tun ka feerew tun te kelen ye Afiriki ka kelenyatónba sigicogo, a labencogo, a ka baarakécogow an'a ka lajiniw kunkan, nka u bee koni tun cesirilen don walasa a ka sigi.

Mahamadu Konta
(A to be bo Kibaru nata kono).

Kunnafoni surun

Sumayafuraw songo binna Kameruni: Sumaya be kele ni fura minnu ye, olu songo bëna jigin siye 4 Kameruni jamana kono. Nin kunnafoni in soro la u ka kunnafonisëben kono min be wele Tiribini. Kameruni kenyako minisiriso, u ka furaw marayoró cakedaba, ka fara furafeerelaw ka sendikaw kan, olu jera k'u bolono bila seben na min be nin hakilila in sabati. Don nataw la, fura min be wele kowaritemu (Coartem) sumayafurra duman don, o tun pilakeli kelen be feere sefawari 800, o songo be jigin ka ke 200 ye. Doboli min kera nin ye furaw songo la, o musaka be ta goferenaman fe k'a sababu ke Djin waribonba ka deme ye ka nesin sognsoninje, sumaya ani sida keleli ma. O deme in be ke san fila kono 2007 - 2009. A be se sefawari miliyari 33 ma.


Negeso be dijne kono a mesenna

Negeso y'a damanafen kabakoma ye dilanfen taw cel. Fen caman dilanna ka teme, olu ma sangaba soro mogow bolo, u tununna. Mansin do tun be yen fine tun b'o munumunu; o dilanni dabilala an be waati min na. Baton walal folo b'o cogo la ani ji tun be mansinfolominlataama. Ninfenninnu masalaw be bo an bimogow k'u don; n'o te u te dilan na bilen.

Negeso be dijne na abe san 150 bo. Hakililajigin na, san 50 ka kono san 1960 ne, negeso tun b'a fe ka tunun. Nka san 1960 kono na, a sanga wulila kura ye.


Bolili la, negeso magote fencaman na i n'a fo bolifen taw. Taji te k'a kono k'o sisi jugu be fiye mogow kan, a songo fana man ca. Negeso sendiya n'a sengoya, o be bo a bolibaa yere de fanga la.

Hakili numan jumennana ni negeso soro li ye k'a ke yelenkanfen ye? Nansaraw de y'o miiri numan soro san 1800 kono na. Nka san 1790 waatila, Lekonti Desiwarakiyen negeso folo dilan, nka gidon tun t'ola. Mogow tun b'a sigi a kan, k'a sen ke ka dugu tan kataa. Halia joli la, a tun b'a senw de banban dugu la. San 1817 Alimanke min tun be wele Lebaron Wondere, o ye negeso do dilan min sen be munumunu. O fana tun be taa n'a bolibaa senw ka dugutan ye. Dow yere tun be yelen koti sanfe k'u bila ka jigin. Pedali tun te o fana na. A girinya tun ye kilo 34 ye. Jirinegesow tun don. San 1893 Pari dugu kono, Miso n'a balimaw ye negeso do dilan ka pedali k'o nefesen



San 1823 negeso bolibaa tun b'a senw ke ka dugu tan kaa

na. Negesoko sanga ye wulili damine o senfe. Mogow tun be to ka foroba negesoboliw ke nansarala. Negeso ninnu nefesen tun ka jan kosebe u kofesen ye. U bolili tun bennen be mogow senkala janw na. Negeso basigilen tun t'ye. Utun mana yelen hali gabakurunnin kan, a bolibaa tun be turu a kun .kan. San 1879, Angleke min togo ye Hari J Lawusoni, o ye negeso basigilen dilan. N'o ye min kofesen be munumunu ka fara nefesen kan, seni (joloko) sababul a. A b'i n'a fo sisan negesow. A nefesen ni kofesen bee ye kundama kelen ye. San 1883, Ekosi jamanaden min be wele Dogotro Joni Denlopu, o ye negeso pinema dilan. Wolipu (finedonyoro) tunt'ola. Okera sababu ye negeso bolili ka teliya ani k'a n o g o y a .




San 1880 pedali tun be negeso senba kelen in lataa teliya ka teme negeso sen misennin filaw kan

Angile do, min ye Roberisoni ani tubabu min ye Miselen ye, olu ye negeso numan dilan, min pine be falen. O kera san 1891. Yelema-yelema tora ka don negeso dilancogo la fo ka se a bilama ma. Ferew, wutesi yelema-yelemataw, sen ereyonmaw, uruleman be minnu na ani minnu kaadiri ye negesasiye ye.

N'i ye sisan negesow sanga san 70 temenen taw ma, i b'a soro u ka fegen ni folotaw ye, u ka ni u ye, u songo fana ka di u ye.

Dokala Yusufu Jara



Karibosi Silimu , dijne kono nafolotigiba

Oridinateri suguya minnu taamasiyennan ye «Mikorossof» ye, o cakeda sigira sen kan Bili Geyiti fe. Ale ye Amerikanjamana mogow ye, min tun jatelen be dijne kono nafolotigiba ye. Nka an be waati min na, kunnafonidisben min nesinnen be nafoloko ma dijne kono, o y'a jira ko Karibosi Silimu ka nafolo cayara ni Bili Geyiti ta ye. Karibosi Silimu ka nafolo kiiminen sera sefawari miliyari 29 ni miliyon 500 ma. Bili Geyiti ta ye miliyari 29.000 ye. Miliyon 500 b'u ni nogen ce.

Karibosi Silimu min kera dijne kono nafolobatigi ye, a bangerra san 1940 Meksiko, Meksiki jamana faaba la. Ale y'u ba konoje 6nan ye. A fa ye Liban jamanaden ye, min sigilen be Meksiko Ameriki gunkan. Karibosi Silimu ka warinini damineni ni dumunifenninfeere ye u ka soda la.

Meksiko telefoniko cakeda min be wele Telefonisi, Meksiki jamana waribatigiw ka ton min be wele Inburusa, izinitigiw ka ton min be wele Kariso, ka fara cakeda werew kan, Karibosi Silimu ka wari be ka baara ke o bee la. O wari fanba yere bobaa don.

Dokala Yusufu Jara

Balikukalan te ka sira juman sorò Semudete kofe

An ka wulakonoduguw la, balikukalan be jini ka jo. O ye ko juguba ye min be dugu ka netaa segin ko. Kabini Semudete y'a sen bo balikukalanko la wulakonodugu caman y'a bolo jigin kalanko la. Ne hakili la, u man kan k'a to balikukalankodese k'u sorò tuguni. Sabula mogo te kalan ke mogo ye, dugu yere te kalan ke cakeda ye. Bee b'a k'a yere ka nafa de koson. Mogo yere de folo b'a ka kalan nafa dun.

Ne be min fo wulakonoduguw ye, u ka balikukalan mine sebe la. Nikaburu dibi te, dibi man bon kalanbaliya dibi ye. Mogo min ma lakoli ke, oka kank'a sebe don balikukalan fe. O ka fisa kunfinya monimoni ye. Kunfinya ye bana jugu ye, min be hadamaden ka dijelatige ko caman nagasi. Kalan de be mogo ne yele. O temenen kofe Musa Sidibe ye Kibaru baarakelaw nininkali min ke balikukalan



yamaruyasében sorò kan, o ma teme netulokan. A y'a to ne fana k'o faamuya. Nka nininkali kelen be ne yere boloka ke Kibaru baarakelaw la; o file ninye: Togosébensara 200 saralen kofe, musaka wère be kalanden kan wa? A tun ka di ne ye ka jaabi sorò o nininkali in na.

Alasani Tarawele ka bo Kokuna, Kapolondugu komini na Sikaso.

Nininkalijaabi

Kibaru nemogoyaso b'a da Alasai Tarawe tulo kan ko kalanden kelen ko k'a togosébensara 200 di balikukalansoba la, a ka jatigilako, dumuniko, kalan taakasegin musaka, kaye ani biki, nin bee fana y'a kundoni ye.

Mogo yere de b'a ka kala tali jesigi

Ne be kuma kalata kan, n'o ye weteko ye. Kalata be dije kono bilako te. An ye kalataw lakomen kabini Biton Kulubali tile la. Segu fangako la, kalata kera Biton Mamari Kulubali ni mogo werew ce. Biton ka kala ma ta k'a ce ka ni, a ka kala ma ta k'a be se kuma na ka teme mogo tow kan. A ka kala tara ka da a kewale juman de kan. Jeliw ka lakaliw la, Biton sababu la faantan ni faama bee tun be dolo sorò k'a min k'u fa u sago la. Jamanaden bee mincogo tun ye kelen ye a bolo. Faantan kunko tun ye Biton fana kunko ye. Kalatako saba kera Biton ni mogo werew ce. A bee la a kelen doren togoakala be ta. Fen min y'o ke o ye dannaya de ye. Mogo yere de b'a ka kala tali jesigi. O waati kalata ni sisan ta kecogo te kelen ye. Mogo min ye mogo sebe ye a ka sigidalamogow bolo jamana kono, o ka fanganinikanpani ma se kalikasine na. Min ye min ye, o y'o ye.

Mogofola, mogokunkokela, mogo min mago be desebaato la sigida la, o ka ko dogoya te sigijogonw bolo. N'a y'a kanbo kalatako la tuma o tuma, a b'a don o don, ko mogow fana b'a fe ni janiya juman ye.

Kalatawari caman be di ni nata ye, nka gundo sonin de ye kiiri tigeyoro ye.

Kuma do tun be mogow dala ko «endepandan» te fanga sorò politikitonw cela. An be tile min na o nkalontigiyara. Ni endepandan y'a mago don a sigijogonw na, a ka kala be ta fo tako juman. Bi -bi in na joyoroni na,, mogo bee b'a yere janiya bolo. Mogow te mogo min don sigida la ni baara juman ye, o ni kanboli man kan foroba fanga nofe.

An ka nsana do b'a fo «mogo t'a sen dalen to bagan do kan, ka doweré boso»

Yaya Mariko ka bo Senu , Bamako

Bamako garibuw be kalanwaati jumennna?

Mogo bee sigilen be ka denmisennin yerebilaw file sirabadaw la ko garibuw don; kasorò garibuw te. Fen juguw wulito don. Ni faamaw ma wuli k'u jo denmisenninw ka yerebila keleli kama sisan, don do be se a keleli be geleya. Sabula n'i ye Mali sigicogo jate mine, k'a laminijamanaw laje, mogo ka kan ka siran denmisenninw ka yerebila ne.

Faamaw ka dugumala laje, sanfela jeni be bo dugumala juman na.

Garibuw kalanwaati tun ye fajiri mana jigin, selifana mana seli ani fitiri ni saafo furance ye. An ne be garibu minnu na sirabadaw la tile kuuruu-kaara, olu be kalan waati jumennna?

O temenen kofe, halisa denmisenninw ladamucogo la, faamaw k'a laje ka ja botawségesége tele la; ja juman te bo Mali telewison na ka caya. An be waati min na telewison kelen be denmisenninw karamogo ye. U be fen minnu ye tele la, u b'olu de ladege.

Fen koro ni folifen juman dama de be Mali kono. A juman ye an k'olu yoroni k'u bo tele la k'an denw ladamu n'ye. Oka fisa ka ja jira u la, minnu b'u bila danbetiye sira kan. Mogo k'orobaw yere te se ka tele laje bilen denmisenninw cela. Kabini kunnafoniw waati mana ban, olu b'u mabo denmisenninw ni tele ja juguw la.

Yaya Mariko ka bo Senu-Bamako

Poyi : Dije nagamina

An be taa minni?

Dije nagamina.

Kunun maa ni danbe lakana,

Bi maa ni yere lagosi.

Ne te sini maa ta cogo don.

Dije nagamina.

Tijetigiw dogoya,

Yerejira donna dije ko bee la.

Tije don yelema be ke,

Nka yelema jigu be mogo silatunun.

Modibo Tarawele ka bo Kondogola,

Zezana komini na Segu

Sariyasunba labatolibulonba (Kiiritigesoba) ma són depitew ka dofarankan ma

Mali depitew ye sariya do ta ka jésin u yére ma nafoloko la arabadon zuwénkalo tile 6 san 2007. Sariya in y'a jini sefawari ba kème ka di depite kelen-kelen ma kalo o kalo. A y'a jini fana sefawari miliyon tan ka labila u kelen-kelen ye u k'u laben n'o ye depiteyabaaraw kama. O kelen min ke, arabadon utikalo tile 1, sariyasunba labatolibulonba mögo kónontón sigira ka sariya in fesefese k'a jini k'a dón n'a ni jamana sariyasunba kónokow be njogon ta.

Sariyatigiba mögo kónontón ninnu y'u hakili jagabo k'a jira k'a fo ko depitew ka fólen te sariya kono, u ma jen n'a ye. Depitew tun ye sariya in ta u yére koro bulonba kono : o don, depite bi wolonwula ni duuru jenna ni sariya in ye mögo fila kóni ma són.

Sariyatafanga n'o ye depitew ye, o mana sariya min ta, a b'o dajira sariyalataamafanga la, n'o ye goferenaman ye. Nka o sariya in te se ka boli jamana kono fo ni sariyasunba labatolibulonba mögo kónontón jenna n'a ye.

Sariyatigiba mögo kónontón ninnu y'u sinsin fen min kan ka depitew ka fólen bin, o ye ko sariya tali saratiw ma dafa depitew fe. Depitebulon kónonasariya sariyasen 51 ma bato a jema depitew fe u ka nin sariya kura in tat: O sariyasen in b'a jira ko ni farankanw be ke depitew ye, o k'a soro labenw kera k'o nafolow sorsiraw pereperelatigé ka bila; o kofe farankan kuma be soro ka fo. Depitew ni nafoloko minisiri ma se ka njogon faamuwa o yoro in de la, o de kama baara ma se ka bo a sira fe konuman.

Sariyasunba labatolibulonba mögo kónontón ye

depitew jalaki k'a jira u la ko nin t'a siye fölo yé nin njogonna farankanko ka ta k'u ségeré. U ye josen min ta siye fölo o la o tun ka kan ka depitew són hakili la walasa nin fili njogon kan'u soro.

Niñ ko in binna depite caman da kan, u m'a soro ni kuma ye. Nka Gavo depite, n'o ye bulonba njogomo dankan ye, a sigira kokura depiteya la, Asaridi Agi Inbarikawani, ale kumana. A y'a jira ko sariyasunba sariyatigiba mögo kónontón y'u ka baara ke, u y'u jo u joyoro la ka sariya lakana, ka faso lakana. Ni depitew b'a fe ka wasa soro, u k'a ta sariyatigiba mögo kónontón ninnu ka dabada ma. Ale ka jate la dofarankan in b'a kunbo, depitew n'a ka kan faasi bawo baara bëe n'a taabolo don. O kofe an kéréfjamanaw ka depitew ka soro ka ca ni Mali depitew ta ye kosebe. Nka depite wers soro la yen min ma són a tógo ka fo; o y'a jira ko n'i ye jatemine ke, i b'a ye k'a fo Mali goferenaman ye baaraba ke depitew ye walasa u ka se k'u ka baara ke ka ne jamana sago la. Misali lla, san 1992, depitew ka baarakénafolo tun ye miliyon kème wolonwula ye san kono, sisan a be taa i jo miliyari 9 na san kono.

A be komi jamanaden caman ni sariyasunba labatolibulonba mögo kónontón da be file kelen na nin ko in na bawo depitew ka nin yéremakaranba in tun ye mögô kabakoya k'u dabali ban.

Yala depite kura minnu bëna don bulonba kono hali a têna mëen, olu bëna wariko in lawuli wa tari di? Nafoloko don mögo te ko dòn.

Madiba Keyita
Mahamadu Konta

Jamana mögoba do taar'i da, Alimami Sila

Karidon, utikalo tile 5 san 2007, jamana mögoba do taar'i da, Alimami Sila. Alimami Sila bangera Bamako san 1926 setanburukalo tile 10, o san 84 ye ninan ye. A fatura ka muso kelen ani den seegin to a ko.

Alimami Sila ye baara ke ka se lasigili ma. Aye baara ke tubabutile la ani Malitile la, Mali kono yan an'a kókan, jamana yéremahoronyalenw ka tónba bolofaraw la ka kunnawolo caman soro. A ye politiki baara ke peresidan Modibo Keyita fe, fiye ma soro a la. Demokaristiké nanen san 1991, a ye pariti do sigi sen kan k'o tógo da (RDP), k'i kanbo peresidanya



Alimami Sila

nofe siye fila. Fanga sinamatow ka jekuluba min tun be wele «kopo» a kera o jemögoba ye ka da a ka ladiriya kan fo ka taa se o cili ma don min na. O bolen ko yen, dönniya suguya caman tun b'a la : soro ni yiriwali kécogo kalan ani nafoloko, a y'o ke Faransijamana. Sene yiriwacogo feérrew kalan, a y'o fana ke. Forobacakédaw jenabocogo numan kalan, a y'o ke Senegali ka fara nin bëe kan. Mögo caman te min kalama Alimamiko la o y'a ka sorodasiya ye : San 1945 ka se san 1947 ma, a y'o ke sorodasiya la Faransi Laramé kono.

Mahamadu Konta

Kalankene n° 56nan : Kofolikumasen

I Hakililajigin :

Kalankene temenen na, an ye do fo damakejenikumasen kan . Ale ye kumasen ye wale te min kono ; nka damakejeni b'a kono, hakilila dafalen fana b'a kono.

Misali la :

ŋɔ ye suman ye.
ŋɔ = suman.

Ji te suman ye.

Ji suman ye.

II Kofolikumasen :

Nka damakejenikumasen dɔrɔn te kumasenwalentanye. Kofolikumasen fana ye kumasen walentan ye.

Misaliw :

Sonsira

1 - Jiri don.

2 - Misi don.

3 - Madu don.

Bansira

1 - Jiri te.

2 - Misi te.

3 - Madu te.

Kolɔsili : Dane fila dɔrɔn de be nin kumasen ninnu kono : (Togo) ani

(don) walima (Togo) ani (te). A te se ka fo tɔgo ninnu ma wale kebagaw walima waletigiw bawo wale si te kumasen ninnu kono. U be wele «kumasenkun» bawo u be kumasen kun na. (Don ni te) olu ye mabennida new ye walima kumasenmabennanw «i n'a fo be, te, ma, ye» ani dɔwerew. Nonabila be se ka sigi tɔgo ninnu no na.

Misali :

I don.

Ale te.

Olu don.

Anw te.

An b'a ye k'a fo kofolikumasen dilannen don ni (tɔgo walima nonabila) ye ani (don) walima (te) . (Don) be kofoli ke. (Don) sina ye (te) ye. (Don) be kofoli min ke, o de kama a fɔra kofolikumasen.

Siga si t'a la misali ninnu ye kumasen ye hali ni wale t'u kono, bawo u be damine ni signiden kunbaye kalaban ni tomi ye, wa hakililà dafalen b'u kono fana

Mahamadu Konta

Dukene n° 39nan : Ba sinji nafa

Den kalo fofo la, a te fosi ke sunɔgo ni sinmin ko. Ba de be sin di den ma, k'a ko, ka finiw don a la, k'a dayɔro laben, k'a furake. Sanni an k'an da don sinji nafa la, fini donkun den na an ka do fo o kan .Ka den to a ba kono, den suturalen don. Nene t'a mine, fiñe t'a fili. Den mana wolo finiw be don a la k'a tanga fiñe mantɔro ma.

Sinji dilli den ma :

Nafa te nono si la den bolo k'a ba sinji bo. Sin de ka kan ka di den ma; sin de y'a ka suman dafalen ye. Fen be sinji kono min be den tanga bana caman ma; o te sɔro nono dilannen si kono.

Sinji ye nono ye , min saniyalen don . A labennen be ka bila den ne sanga ni waati be la; a te san sugu la fana. Sinji ka fisla ni bibɔron ye. Sinminden ka kene ni bibɔronminden ye; a nison ka di, a be yele mögo be se fe.

Sinji yere be cogo di?

Muso jiginnen kura, sinji b'i ko ji gansan. Nk'a ni ji yere-yere te kelen ye; ale de be den nugu n'a furu ko. Nono yere te ke sin na fo den wolo tile 4. Sin man kan ka di den ma fo a tile 2 nan; sann'o ce, ji de be wuli ka sukaro ke o la; o de be di den ma son. Den ka sinmin man kan ka dogoya ka teme siñe 6 kan tile kono.

Kolɔsili : A' kana sin di den ma kasoro a' tege ma ko ani k'a' sin nunkun josi sann'a ka don den da la. A' kana sin ka den lada sin dilen ko a ma; i b'a mine i bolo k'a yuguyugu; a ye fiñe min kunun sin minto , fo a k' o labo, o ko i b'a lada.

Mahamadu Konta

Wulu ye bagan hakili duman ye

Wulu ka hakilidiya, wulumarala be se k'osementiya. Mögɔmin mana ko jugu do ke wulu la, o wulu be se ka kalo caman ke kasoro a ma farinya o tigi la. Nka wulu hakili ni mögɔ ta te cogoya kelen ye. Wulu ka hakili fanba ye kasako ye. Hadamaden tayefen yelianimankan (kumakan). Kasako la hadamaden nunkonona bonya b'a ta santimeterekare 2 la ka se 3 ma; kasoro wulu ta b'a ta santimeterekare 60 la ka se 200 ma. Wulu be kasa don, a be mankan don. Ni maga kera a la fana, a be bo o kalama. O dɔnniya 3 be wulu la.

Wulu be se ka kow kecogo laje ka segin u kan. Ko jugu fara ko numan kan n'i y'o ke wulu la, a be don a kecogo la. Misali la ni bagandogotoro ye wulu da tabali kan ka pikiri farin k'a la. N'a sera o yoro kelen na, fosi te jigin a kono ni pikiriko te.

Mögɔw be wulu ladamu i n'a fo u be sow gosi cogo min na.. O ka di wulu ye, a b'a nisɔndiya. I mana wulu fari saalo, walima ka numan were k'a ye, a mana i ye waati o waati, a sago don i ka segin o kan. Nka n'i ye juguman k'a la, a man'i ye, a be boli walima ka siga i la.

Wulu nisɔndiyali a dungɔko la, o be sɔro ko werew fe ni numanya te. Misali la wulumuso mana wuli, a te fen were jate dosokɔrɔw ko. Wulu dungɔfenbaw ye ceko ni musoko ye, kungoyaala ani dumuni .

Dogotoro Jare
Dokala Yusufu Jara

Kunnafon surun

Sefawari miliyari 11 ani miliyon 200 :
Gitoron kura min dara Kulukɔro ni Bananba ce, o musaka benna o warie hake in ma. Siraba in be Sirakɔrɔla ceci. Jamanakuntigi Amadu Tumani Ture y'a kurunbonkari san 2007 feburuyekalo tile 22.

Taji min bə bo falenfənw na, o nafa n'a gelyaw

Akolsira k'a fə tajimafənw kunko bə ka caya hadamadenw ma : Petoroli, sansi, gaziwali anigazi. Də bə ka fara u songə kan don o don ka taa a fe. O bələn koyen, a jirala ko don bə na, o tajimafən minnu bə dugukolo kōrō, ni hadamaden b'u sama ka bə k'a makonə u la, olu bəna ban pewu. O tuma, fo feerew ka tige k'u nonabila. O hakilila in de bə ka jamana caman bila ka feerew tige kabini san 1970 waatiw la, ka tajimafənw dəgoyali n'u sanni nesigi. San 2004 tajikogelyaw ye də fara a to kan bawo petoroli barikon sera sefawari ba 7 ma.

Fən minnu bə ka yelema bi ka ke taji ye o ye falenfənw ye. O falenfən dəw ye, kaba, sonin ani bananku n'u nəgənnaw ye. Berezilijamana kelen bə k'a fanga digi kosebə falenfənw yelemani kan k'u ke taji ye. Ale somi janyara, ka mankala yelema ka ke taji ye. San o san, a bə mankalataji litiri miliyari 12 dilan, o bə bən dijə petoroli bota tila sabanan ma. Sanni san 2 ce, Lamerikenw b'a fe k'u ka falenfəntajji bələn sigiyoroma fila. O la, kemesara la, petoroli bota hake la, 7 bə ke falenfəntajji ye. Erəpujamana ka tonba fana y'a lajini ka falenfəntajiko don ba la. Kemesara la petoroli hake la, 6 bəna ke falenfəntajji ye. O hake in bə se ka yelen ka se 10% ma.

A damine na, falenfəntajiko dabokuntun ye ka petoroliko gelyaw nesigi; tajimafənw bə tineni min lase sigida n'a lamini ma ka fura soro olu fana na. Nka bi, a ko bə jini ka ke donnin dən goman ye. Forokonin bə jini ka to a dogisara la. Ni nə fiyera su fe, o ye janfa donnen ye sew ma.

A yera k'a fə seneñew mana bayeləma ka ke taji ye, o bə na ni balokogelyaw ye. A ko ka di Lamerikenjamana ni Erəpu jamana cikelaw la. Olu hakililatigelen baloko la, hali n'u ma sene ke san tan (10) kōrō, u balo b'u bolo. Olumana se k'u ka suman kōrō feereyərə soro, o da ka di olu la. O de kama falenfəntajiko yiriwali ka di olu ye.

Nka səgenbaatojamana ye jore

damine kokura. Ni petoroliko gelyaw wulila, u bə kule, nifalenfəntajikokuma fora, u bə jore bawo o bə kōrō kōrō. An bə don min na i ko bi, n'i ko i bə dijə petoroli bota mume nənabila ni falenfəntajji ye, forokene min ka kan ka bin walasa o ka nəsoro, o bə bən an ka dugukolo in kəne nəgən wərə ma. O kōrō kō gelyaya bə a kola. O t'a bəs ye. N'i ko i bə məbili Kati-Kati kelen fa ni falenfəntajji ye, o bə bən kabakise kilo 200 ni kō ma. San kelen kōrō, suman hake min bə don o məbili kelen tajiko dafə, o ye damatəmə ye. A jatemine na ko ni kaba ni sonin donna tajiko dafə, siga t'a la balokogelyaw bə wuli dijə kōrō. Suman təw, i n'a fə nə, malo ani dəwərew, jama bəna girin olu kan. Olu hake təna laboli ke biled. O mana ke, u songə bə yelen kojugu. Lamerikenw ka cakeda (IFPRI) ka nəsin baloko təabolow ma dijə kōrō, o y'a səmentiya ko falenfəntajiko mana yiriwa dijə kōrō, kaba songə bə yelen, kemesara la, a bə yelen ka se 20 ma; taalen nəfə, a bə se fo 41 ma. Bananku fana songə bə yelen o cogoya kelen na. Di jə tənba min nəsinnen bə baloko ma (FAO), o y'a jira ko bananku sənetə hake bəna caya dijə kōrō, nka n'a kun

Malonaga bə ke taji ye

Zaponjamana sene minisiriso y'a jira alamisadon utikalo tile 16 san 2007, ko malonaga bə ke taji ye. A ka fo la, o waleya in bəna balo songə bali ka gelyaya.

Poroze min nəsinnen bə malonaga bayeləmani ma ka ke taji ye, o nəmogo Eyişiro Kitamura y'a jira ko fən min bə taji la n'a bə wele nansarakan na etamoli, olu sera k'o dilan ni malonaga ye. O de koson Zapon sene minisiriso bəna nafolo jini ka bila poroze in ka bolo kan taji caman soro kama.

An bə waati min na etamoli tun bə bə timinkala, beterawu ani kabakalaw de la. Sumankala bayeləmani ka ke taji ye, o waleya bə dijə na a məennə. Kanada cakeda min bə wele Logeni, o b'a dilan alikaamakala la.

tə baloko ye fo tajiko, o ye faratiba ye Afiriki jamana ma, ka d'akan hadamaden caman balo sirilen b'a la, sango Nizerijamana kōrō. Ni falenfəntajiko ma file ji nəmajolen na, taalen nəfə, məgo miliyari kelen ni kō bə kōrō.

Farafinna ta bəna ke nin ko in na gelyaya farala gelyaya kan. Dabolo wərə te nani na kubugə kō. FAO ye səben do bə zuwenkalo tile 7 k'a jira ko yiriwali sirakanjamana k'u sigi ni balokogelyaw ye k'a sababu ke falenfəntajiko yiiriwali ye kuma tə faantanjamana ma.

Nka nin gelyaya ninnu n'u ta bəs, fura bə seka soro falenfəntajikola, ka balofənko senbo a la, k'a nəsin bagasunw bayeləmani ma, olu minnu tə dun. Baganin do bə falen a yəre ma Afiriki jamana caman kōrō, a bə fo a ma tubabukanna «purugeri», o bə se ka labaara ka ke taji ye : (Afirikidisi, Madagaskari, Malawi, Mali, Suwaziland, Zanbi...)

Feere werew bə senna, i n'a fə ka binw ni furabuluw labaara k'u ke taji ye. Sanni o ka ke, petoroli koni bə k'a filetigifi, nəfə, nafolotigijamana ni tajibojamanaw sako la.

Emaniyeli de Soleri Esitənzi
Mahamadu Konta

Jiko kunnafo

A kolosira ko də farala ba bəs ji hake kan utikalo dəgəkun filanan kōrōna na fo n'a bora Bajoliba la Kirango, Bawulen Buguni ani Senegali Ba fan dəw.

Jilatonyərə minnu bə Selenge ani Manantali olu bə ka fa. Utikalo tile 20 y'a soro ba ninnu ji ka dəgə ni salon ta hake ye fo n'a bora Senegali Ba la Kayi, Faleme Gurubasi, Bakoyi Waliya, Banin Moti, ani Bawulen buguni. San təw cogoya la n'i ye ba ninnu doncogo jatemine, a ka dəgə ni san hakemata ye. Waati natawla jibeson ka yelen a yeləncogo numan na ba bəs kōrō.

Yelema donna goferenaman na

Mali kalanko minisiri Mamadu Lamini Tarawele fatulen zuluyekalo temenen in, minisirijemogó Usumani Isufi Mayiga y'a nini jamanakuntigi fe a ka mogó sugandi ka bila o no na. O de koson arabadon utikalo tile 8 san 2007, jamanakuntigi Amadu Tumani Ture ye Mali Seko ni Dóenko minisiri Seki Umaru Sissoko sugandi ka ke kalanko minisiri nonabila ye. Seki Umaru Sissoko b'o joyoro in fa ka fara a joyoro koro kan.

Ntumuwe bë nini ka falenfenw dun ka ban ninan

Kodumanda la, ntumuko kelen be damateme ye. Kodumanda be Wolojedo fe Nonkonkomini na Kolokani mara la. Ntumu ninnu be ka bin ni fura sebekoro dun. Baganw yere te ka dumuni numan soro tuguni. Mogó caman ye danko fila walima danko sabaka ka forola. Nka ntumuwe ma ban, mogó si kelen ta tilatuma don danni na samiyé in na. Ntumuwe be sumanjuw dunni damine kabini u jolobotolama.

Kungokolonw niforow falen be ntumu na cogo min na, dugukononaw ni sokononaw b'o cogo la.

Ni dabali ma tige ntumuwe keleli la, niman, mogow ni baganw ka baloko bëna

gelya.

Soyibajan Jara ka bo Kodumanda la Wolojedo Nonkon komini na Kolokani

Jufakonotelefoni kera sangawuli ye
 Jufakonotelefoni hake sera miliyon 49 ma san 2006 laban na Farafinna tilebinyanfanjamanaw kono, in'a fo Tekila Nbonge y'a jira cogo min na; o ye kunnafoniko nejini cakeda do segesgeikela ye. Jufakonotelefoni la, Farafinna tilebinyanfanjamanaw ka soro hake cayara, bakurubajate la ka teme Farafinna mume ta kan san 2006 kono. kemesarada la, tilebinyanfanjamanawta yelenna ni 58 ye; Farafinna mume ta ma teme 39 kan kemesarada la. Sanni san 2011 ce, jufakonotelefoni kura hake min bëna fara korolen kan, obe semiliyon 10 m Afiriki tilebinyanfanjamanaw kono. O yelenda hake be ben 12 ma kemesarada la.

Kupudimali ntolatan laban : Joliba - Bakarijan 2 ni 0



Jamanakuntigi Amadu Tumani Ture ye kupu don
Joliba ntolatannaw nemogó bolo

Joliba ye Mali ka kupu ta «AS» Bakarijan nekoro 2 ni 0, Abudulayi Makoro Sissoko togolantolatankene na Kayi. Kuru fila ninnu bëe donna ntolatan kun filanan na. Kuru folo donna Musa Jalo fe sanga 52nan na, filanan donbaa kera Sori Ibrahima Bangura ye sanga 81nan na.

Kupudimali in ntolatanna nana kera Joliba Musa Jalo ye, a be joyoro 3nan fana na nana nintolatanw na. O jansannifen dira Musa Jalo ma ka fara sefawari 40.000 kan. Kurudonna nana cayara kupudimali in senfe. Wolomani kera u ni nognon ce. Sori Ibrahima Bangura de gerezige diyara. Ale jansanna ni pankurunbiye kelen ye ka bo Bamako ka taa Pari, ka segin ka na Bamako.

Kayi , Masa Makan togolaso neñajekeyoro kura

Malijamanakuntigi Amadu Tumani Ture taalen kupudimali ntolatan laban na Kayi, a ye Masa Makan togolaso neñajekeyoro kura tufaden folo da ka kono ntolatan damineni ne ni lere damado ye. A ni mogó minnu tun be taama in na, olu tun ye Seko ni dóenko minisiri Seki Umaru Sissoko, Kunnafo n'a dicogo kura minisiri Gawusu Darabo, Baganmara minisiri Ibrahima Umaru Ture ani Bololabaara ni jamanayaalakow minisiri NJayi Ba. Masa Makan togolaso neñajekeyoro koro jenina marisikalo temenen in. Jamanakuntigi taalen Kayiawirilikalo tile 9 san 2007 a kandili

la jamanakuntianiko la, a tun ye joyoro kura joli lahidu ta kayikaw ye. Mali ka san 2008 sekni dóenko sanfilajenajew bëna ke o so kura in kono. Masa Makan togolaso kura be jo kin min na, o be wele Legalisegu. A be jo ni Mali jamanakuntigiso ka nafolo ye kalo 6 kuntaala kono. Sigiyo 1.000 be soro a kono. Jamanakuntigi ye lahidu ta ko goferenaman bëna a sekni kë Mali ka sekni dóenko sanfilajenaje nata labenko numan na Kayi.

Salimu Bajaga
Dokala Yusufu Jarra

Yéléma dōw donna Mali ntolatanko la Federason ka lajéba balalen senfè Kayi



Mali ntolatanko jékuluba n'o ye Federason ye , o peresidan Salifu Keyita Domengo

Inan, Mali kupu ntolatan laban kéra Kayi. A jamanakuntigi Amadu Tumani Ture bolo. Joliba sera Barawulikaw ka «Bakarijan» na ni 2 ni 0 ye.

Sanni o ntolatan in ka ke, Mali ntolatanko jékuluba, n'o ye Federason ye, o ka lajéba balalen kéra Kayi. Mali ntolatanko wogow tun be kene kan, Farikolojenaje ni denmisénw ka minisirisow jémogow, ka fara Kayi ntolatanko jémogow n'a faamaw kan. Ntolacitonw cidenw tun be kene kan, ani Mali ntolatanko démebagaw.

Lajéba in senfè, yéléma caman donna Federason taabolow la, ka sariya kuraw ta ka nésin ntolatannaw ma, tónw, degelikaramogow ani jalatigebagaw. Yélémaw ni sariya kura talen wōd nin ye :

Federason sigibolow dōc yélémane :

Federason konseyiba dōc yélémane ka ke Federason Lajéba ye. O be Federason sigibolo bëe

sanfè. Federason biroba dōc yélémane ka ke Federason komiteba ye, n'o ye wogokulu ye. Ben mana ke fén minnu kan jémogokulu b'o waleya. Konjenabojékulu min tun nésinen be Federason sigisariya n'a kónonasariyaw lakanani ma, o dōc yélémane ka ke gelyaw ni kunkow konjenabojékulu ye.

Lajéba in senfè, ben kéra a kan, Federason bolofara be yor o dōc la jamana kóno, (marabolow ni disitiriki) olu bëe sigibolow ka ke federasson ta wogokulu ye : lajéba ani komiteba (wogokulu). Ni Federason sigibolow wogow be sugandi, o be ke wote senfè. A jirala k'ta fó ko ni Federason lajéba ka wogokulu ye bëe, woteko mana bo a la, baara be ke ni jama fanba

ka lajini ye, hali n'a kéra jama tilance ye ka mogo kelen fara o kan.

Baarakéjékulu kura fila sigili bolodara wogokulu kóno ka fara kórolenw kan. Olu ye ntolatan keminénw n'a keyow wogokulu ye ani ntolatan yére wogokulu.

Ni wogokulu be sigi, mogo kelen t'a kanbo inigoyéjékulu na, mogo minnu bennet don, olu be fara wogokulu kóno kan k'u dōc sëben, k'u kanbo. Mogo min mana ta k'o ke Federason konjenabojékulu peresidan ye, o be Federason konjenabojékulu peresidanw sugandi a tégocélt celia. Lajéba law benna a kan fana n'gankéjékulu la Federason kóno. Nka nin bëe la sara te wogokulu fan si la Federason kóno. Nka

A to be ne 12nan na

Tulon

Nin ja fila dilanbaga y'a dabo a kama ka fili 10 k'u la. A y'olu nini



10 - ja min be ce kun na kinin fe.

9 - Tu jemian min be cemancé la. Kinin fe. 8 - ja min be jukcras kinin fe.

6 - Kabatonkurunw faraw siriyards joggan na , o kun. 7 - Ce tegéksundua

3 - Jili fara ds fo a sanfè. 4 - Kabatonkurun ds kun. 5 - Ce kan.

1 - Doolo min be sanfè. 2 - Jollikjilini min be ce kenkenfuru la.

Jaabdi

Le 11nan to

Federason be sekereteri zenerali min ta ani sebenkojenabobaa, ani baarakela were, olu be sara kalo o kalo ka kejne ni benkan saratiw ye u ni Federason ce.

Ben kera a kan fana, kiiritigelaw ka sigi ntolatanko kunna. O kiiritigelaw ka kan ka ke sariya dønnibagabaw ye ani ntolatankko dønnibagabaw. U hake døgøyalenba ye mogo saba ye, a cayalenba ye duuru ye, bawo kiiri be minnu ce, olu kelen-kelen be se ka mogo kelen di. O kiiritigelaw ka baara ye ka sariya lataama, ni fønøgonkow donna ntolatantøn ni nogon ce, ntolatannaw ni tonw, ntolatantøn ni degelikaramogow ce benkanw kunkan.

Kayi lajeba in senfe, da sera ntolatanna taaboloko numan bolodocogo sariya ma, a ka ntolatan kono. Sariya werew tara : ni mogo min walima ton min b'a fe ka jalaki bin do kan ntolatanko la, o kecogo sariya dannatigera, ka fara ntolatannaw falencogo kan tonw ni

nogon ce, ntolatanw labencogo jamana kono ani Mali joyoro facogo dije ntolatanbaw kene kan.

Ntolatannaw sigira ka ke kulu 2 ye : minnu ka baara ye ntolatan ye ani minnu ka baara te. Lajekelaw y'a wajibiya sariyaw ka ta, minnu ka baara ye ntolatan ye k'olu ka hakew lakana, k'u sinsin i n'a fo baarakela saratalaw be cogoya min na ka kejne ni baarako sariyaw bolodacogo, ye dije kono. Fen min ye ntolatan lakolisow ta fan ye, dabali jønjøn tiger, ka sariyaw ta, olu ka se ka yiriwa.

Ben kera a kan fana ñanaw ka nogonkunben ntolatan na, o ka laben cekunda ani musokunda, dakun bee lajelen na (ntolatanna kørøbaw, mankanw, zinoriw, kadew, ani fitininniw kun).

Ntolatanna bøli ton do la ka taa do were la, o musakaw fana bolodara : Zinori kørøba min si be san 18 bø, n'a kalanna ntolatan lakoliø do la, miliyon fila be sara o kunkøro.

Miliyon fila ni tila be sara zinoriw kunkøro, minnu be ntola tan Mali togo la. Miliyon saba, naani, fo ka se

duuru ma, olu be sara ntolatanbaw kunkøro ka da u ka dønniya n'u ka se damajiraa kan ntolatan na.

Mali joyoro fali jamana kokan ntolatan na ntolatantøn fe, o kecogo fana pereperelatigera :

Ni ntolaciton kelen ye Mali kuputa, ka tila ka joyoro følo sørø ñanaw ka nogonkunben na, a te bo a fila bee la. Ale be taa Mali joyoro fa Farafinna ñanaw ka kunben kene kan. Ton min kera filanan ye, Mali ñanaw ka nogonkunben na, o b'an joyoro fa «Kafu kupu» la. Mali kupu tabaga be taa an joyoro fa Afiriki Federasonw ka kupu la.

O kofe, ni ton do b'a fe ka jalaki bin ton do kan ntolatan sariyaw labatobaliyako la, a b'a ke seben ye, k'o ci Federason ma. Federason be seben bo k'a sementiya ko seben in sørøla. A be wari hake do sara Federason ye o kunkøro : ba saba (3.000) bee sara ni Federasonw yere dama ka ntolatan don. Ba fila (2.000) be sara ni Mali n'a siginøgonjamanaw ce ntolatan don. Ba kelen (1.000) be sara n'an yere dama don.

Ntolatanna minnu ka baara ye ntolatan ye, sanni olu ka konew nenaboli sariyaw ka laben, Federason b'a wasa don FIFA ka sariya talenw na følo, ben kera o fana kan.

**Modibo Nama Tarawele
Mahamadu Konta**

«AMAP» Kuntigi
Solomani Darabo
-Mali kanw kunnatonisbenw
baarada Kuntigi
Janze Samake

Kibaru

BP - 24 Telefon: 221-21-04
Kibaru Bugufiye Bosola
Bamako - Mali
Sebenniiekulu
Mahamadu Konta, Dokala
Yusutu Jara
Labugunyero : Kibaru qafedilan
baarada
Bolet hake 16 000

Mahamadu Konta